



Rasvijetljeno krivično djelo ubistvo u pokušaju

Dana 28.04.2022.godine u 09,50 sati, obaviještena je PU Stari Grad da je u ulici Mustaj pašin mejdan, općina Stari Grad Sarajevo došlo do upotrebe vatrenog oružja. Tom prilikom je povrijeđeno lice S.K., rođen 1983.godine, nastanjen u Sarajevu. Povrijeđenom je ljekarska pomoć ukazana od strane ekipe Zavoda za hitnu medicinsku pomoć Kantona Sarajevo, a potom u UKC u Sarajevu, gdje su od strane ljekara konstatovane teške tjelesne povrede i zadržan je na daljem liječenju. O prednjem je obaviješten dežurni tužilac Kantonalnog tužilaštva Kantona Sarajevo, a uviđaj su obavili policijski službenici Uprave policije MUP-a Kantona Sarajevo. Zbog postojanja osnova sumnje da je počinio krivično djelo iz člana 166., a u vezi sa članom 28. KZ F BiH (Ubistvo u pokušaju), istog dana u 12,00 sati slobode je lišeno lice F.G., rođen 1957.godine, nastanjen u Sarajevu. Isti je predat u prostorije za zadržavanje osoba lišenih slobode MUP-a Kantona Sarajevo. Nakon završene kriminalističke obrade, F.G. će uz službeni izvještaj o počinjenom krivičnom djelu biti predat u nadležnost Kantonalnom tužilaštvu.

29.04.2022